

981.53
50021

溆浦县志

淑浦縣志

陳補縣志

同治八年續修十一
年開雕十二年刊竟

復修溱浦縣志序

縣之有志猶國之有史也史以綜歷代之
典章志以備一邑之記載體例雖不同而
其有關於風俗政教者則一而已顧志必
資乎創始尤有賴於補苴查溱浦自

國初流賊擾亂後舊志蕩然無存至康熙
丙寅古吳袁君來宰斯邑艱難締造始粗

有成書其後歷七十餘年而南城陶君乃克重修號稱明備自是以來百餘年矣未聞有續修之者若是乎前賢創始固難而後人補苴亦未易也同治四年大府議修省志檄郡縣各賫舊志并續修新志申送備錄誠盛舉也澹生鮑君疊奉上憲之命集邑中士紳勸捐費貲分都採訪皆欣

然樂從十年春余調署斯篆復奉札催修
閱一歲而採訪畧備燦然成帙矣惟思志
之修也將以信今而示後事必期乎核實
文務取乎簡明非誇多鬪靡徒絢人耳目
為也古人謂作史有三長才學識缺一不
可推之於志何獨不然爰復商諸士紳延
請邑中名宿舒河槎先生總理其成博考

古今悉心釐正芟其繁蕪歸於體要老成
典型於是乎在俾後之官斯土者徵文考
獻得所憑依有以稽風俗而資政教豈不
懿歟

同治十有二年閏六月署潞浦縣事山右
齊德五謹撰

陶序

古者仕宦不越其鄉土當跼伏時儕偶與偕憂樂與共泊蒞官行政宜於民生利病政事得失無不周悉然右史左圖猶勤紀載况以羈旅驟臨民上才者或不待考而遷其初可以有爲常患未知其後知而欲爲又已無及不有志也烏由知之周禮行人以達四方之志蓋其重也乙亥春仲余待罪義陵首詢邑乘無有也閱一載始見袁志猶有不醕不備之憾然邑之遺緒賴以少留及罹回祿之燼而書罕存者後人所補十不逮一則愈不足觀矣且袁志修於康熙戊寅距今七十餘年中間風俗遷移政令損益已非一端間嘗徵文考獻日紀月錄欲別爲一編以俟後賢採擇初未敢以志自任也庚辰夏同年吳雲巖侍讀視學楚南相見於辰談次

以志見屬友人顧雙溪亦以書相督促會楊雍度自無錫來爲盧
峯書院山長乃屬以編輯案牘餘暇余亦與商略焉余惟古人先
憂後樂之旨勢有先後而理實循環當哀令修志時哀鴻甫定民
有幸生 聖世之樂矣而屯衛之橫驛站之擾土曠人稀猺獍

俗悍未嘗不反覆言之使及見今日其歡欣鼓舞當更何如然豈
遂可因循恬熙坐享太平之福耶余於志中已詳著之而書不盡
言詞不盡意者尙多夫前人之憂誠切皆民所欲去也故順而易
茲則父老子弟安常襲故若不知牯牛獷豕之義而更張無漸日
從事于刀筆筐篋且有不如其舊者則紆而甚難我 朝一道同
風大化翔洽後之視今猶今之視昔優游泮奭有扶杖以觀德化
之成者是書之作旣以見前人之憂自茲而終來者之樂自茲而

開余以不才謬膺民社日置一編座右念所以勤民而補過者亦
於是乎在顧牽於吏事學殖荒蕪言之無文良用自慙第於國
家化民成俗之意與長吏脩政齊教之宜或亦登高行遠之一助
云爾乾隆二十七年冬月知潯浦縣事南城陶金諧撰

袁序

余惟志者誌其古往今來之事修者因其成獻以修其未備也故
余厯任冀之廣川浙之富春莫不有舊志以資參考獨至潯浦兵
火頻罹斷簡殘編俱爲烏有前令潘君加意搜輯僅載封疆田賦
之大畧未敢依爲繩尺甚矣修志之難而潯浦之志修之更難也
然或處順適之境得閒暇之時庶可不辭固陋以昔年之誦讀秦
之父老採之間里審之山川卽不文甯無補於志而無如初入潯
境一望惟餘茂草四顧絕少烟村余甚怪之詢之僮父僮父曰無
足怪也自流賊倡亂繼有牛兵慘毒我朝底定未久復遭逆黨
盤踞六載屋宇俱歸燬燼男婦半斃鋒鏑其重役難支饑餓不免
者復播逃遠避土田安得不蕪人民安得不少乎及抵治署外無

城郭可守內無家室可居頽垣破壁僅同夜戶之不閉至於聖廟施教之地也而圯廢更甚於公署征賦司牧之責也而刁頑更抗於山陬苗獍亦境內之民也而負固漸流爲黨惡如是卽握髮吐哺焦心勞思猶恐不能仰副朝廷簡命之意以救民於水火之中奚暇爲闡幽表微之末務哉余用是飲冰自勵一薪一水必出自己財舊例之勞民力傷民財者盡行禁革勸之以農桑教之以禮義課之以學業寬之以賦役賴蒼天之德皇上之福山川鬼神之靈庶幾亡氓賦歸來矣農則勤耕士則勤讀矣學官縣署捐俸之不足繼之以家資家資之不足繼之以樂輸俱修葺告成矣苗獍醜類不能久匿於光天化日之下而良者來歸頑者服罪矣然則既有此順適之境自與以閒暇之時惟志之事烏容

緩乎矧

聖天子留心國乘遍採民風修舉軼事余雖不敏斷不敢畏其難而置若罔聞也於是稽之史策採之風謠親質於父老躬厯於閭里山川疑者闕之畧者補之雖未能盡知其古往或亦無憾於今來夫樸遯如余自不免漏萬之譏不文之誚然剖劂成編上藏之石室下布之民間倘後之君子亦有志重修庶幾規模具在諒不如余始創之難也康熙丙寅季夏溆浦縣知縣古吳袁丕基撰

凡例

一 澈志創始於袁繼纂於陶迄今百有十年前無所增而後急宜補但歲序云遙文獻不足採訪所及難免遺珠

一 既有成書踵修自異况陶志典贍詳明無可更者率仍其舊觀孟堅前漢書多用史公原文可見間有詞費及小舛者爲之節刪釐正以歸簡當則竊比康對山志武功韓五泉志朝邑然恨時勢之不同不能如前賢以七篇終也

一 星野沿革山川疆圻城郭陶志已井然有條津梁後世創建者悉補入之至賦役則因革隨時款項各異惟將現在遵行者據冊案悉爲臚陳其業經裁汰變置者稍存其迹以備考稽

一陶志水利最爲朗晰溪壩繪圖尤見盡力溝洫至關隘兵防則時值清平不過數語自粵逆弄兵隣境多遭蹂躪激戒嚴者屢賴有險可守其形勢堵防經費圖謀茲備錄之以示安不忘危之微意

一職官列表陶志有鎮甯巡司江口驛丞久已裁省而武弁附在兵防今去鎮甯江口二職而移武職於文員之下以皆有地方責者也

一陶志選舉有進士舉貢而無薦辟今增入至兵興後効力戎行者甚夥添武勳一門又致命行間殤也可懸錄爲忠勇以慰敵愾捐軀之靈焉

一學校書院所以培養人才敦崇教化所有各書院膏火各考試

經費置有田產其坐落地名畝分悉開陳之以昭久遠而免遺失

一陶志列人物宦望孝友不過數人足稱嚴謹然百餘年來顯赫者雖鮮而一官一職鄉先生屈居下僚亦有不容泯沒者惟質行文學不無溢美然與人爲善安知其不如此但所陳事跡或失之蕪雜或過於揄揚塗而去之以此非家傳墓碑可比也

一風俗所以著人情物產所以徵人力於激無涉非激所生皆汰去若詩文無論不佳即佳者無關於激亦不能盡錄閱者諒之一貞節從以壽婦 封典附以壽民祠墓則歸諸壇廟寺觀則綴以仙釋亦各從其類也祥異無幾副以藝文雜識數篇繫以補遺爲卷共二十有四